

**ԼՈՒՐԵՐ**

**ՈՒԵԼՍԻ ԱՌԱՋԻՆ ՆԱԽԱՐԱՐԸ ՃԱՆՉՑԱԾ Է ԶԱՅՈՑ ՑԵՂԱՍՊԱՆՈՒԹԻՒՆԸ**

Երէկ, ուղիղ երկու տարի անց Հայոց Յեղասպանութեան յուշարձանի պղծումէն յետոյ Ուելսում, Ուելսի առաջին նախարարը ճանչցած է Հայոց Յեղասպանութիւնը: Այս որոշումը կը պաշտպանեն Մեծ Բրիտանիայի խորհրդարանի Ուելսի պատգամաւորներու մեծամասնութիւնը: Այժմ, Մեծ Բրիտանիայի վարչապետ Գորդոն Պրաուները մեծ ճնշումներու կ'ենթարկուի, Լէյբորիստական կուսակցութեան մէջ տեղի ունեցող այս անջատումներու պատճառով: Յեղասպանութեան ճանաչումը շոկային ալիքներ կը հաղորդէ նաեւ Լոնտոնի Արտաքին գրասենեակի միջոցով, որ եղած է Թրքական մերժողական քաղաքականութեան աջակիցը: Յաւալի է, որ Հայաստանը մինչեւ օրս չէ ճանչցած Ուելսի ազգային կարգավիճակը՝ հիւպատոսարան հիմնելով կամ մէկ այլ ձեւով:

**ԱԲՍՏՐԻԱԿԱՆ ՊԱՇՏՕՆԱԿԱՆ ԿԱՅՔԻՆ ՄԷՋ ՂԱՐԱԲԱՐԸ ՆԵՐԿԱՅԱՑՈՒԱԾ Է ՈՐՊԵՍ ԶԱՅԿԱԿԱՆ ՏԱՐԱԾՔ**



Աւստրիայի պաշտպանութեան եւ սպորտի նախարարութիւնը իր պաշտօնական կայքին մէջ տեղադրած է քարտէզ մը, ուր Լեռնային Ղարաբաղի տարածքը ներկայացուած է որպէս Հայաստանին պատկանող տարածք:

Ինչպէս եւ կը սպասուէր, ատրպէյճանցիները այս փաստի առնչութեամբ, հերթական հիստերիան են բարձրացուցած: Նշենք, որ մշտապէս, նման դէպքեր կը գրանցուին ինտերնետի մէջ: Մասնաւորապէս, վերջերս Ատրպէյճանի իշխանութիւններու բազմաթիւ բողոքներէն յետոյ, Euronews-ը փոխեց իր կայքին մէջ տեղադրուած քարտէզը, ուր Ղարաբաղը ներկայացուած էր որպէս հայկական տարածք: Նոյն կայքին մէջ Ատրպէյճանը ներկայացուած էր ոչ թէ եւրոպական տարածաշրջանին մէջ, ինչպէս օրինակ Հայաստանն ու Վրաստանը, այլ՝ ասիական, որ նոյնպէս ատրպէյճանցիներու գայրոյթի առիթ դարձած էր:

**ԱՐԱԲԱԿԱՆ «ԱԼ ԶԱՅԵԱԹ» ՕՐԱԹԵՐԹԸ ԷՐՏՈՂԱՆԻՆ ԿԸ ՅԻՇԵՑՆԷ ԶԱՅՈՑ ՑԵՂԱՍՊԱՆՈՒԹԵԱՆ ՄԱՍԻՆ**

Լոնտոնի մէջ հրատարակուող «Ալ Հայեաթ» օրաթերթը կը գրէ, թէ Թուրքիոյ քիւրտերուն դէմ կատարուող խտրականութիւնը եւ ճնշումները կ'արժեգրկեն Կազախի առնչութեամբ՝ վարչապետին՝ Ռեճէպ Թայիփ Էրտողանի արդարութեան եւ խղճի մասին հնչեցուցած կոչերը:

«Արդարութիւնն ու իրաւունքները անհնար է տարանջատել իրարմէ: Անոնք որոնք վայրի մը մէջ կը խօսին արդարութեան ու իրաւունքներու մասին, իսկ մէկ այլ պարագայի մէջ կ'անտեսեն այդ արժէքները, կը նշանակէ, որ երկակի չափանիշներ կը կիրարկեն: Գաղտնիք մը չէ, որ այսօրինակ մարտավարութեամբ կը գործէ Թուրքիոյ իշխող «Արդարութիւն եւ բարգաւաճում» կուսակցութիւնը», - կը գրէ «Ալ Հայեաթ» եւ կ'աւելցնէ. «Թուրքիա մերժած է միլիոնաւոր հայերու եւ ասորիներու դէմ իր գործած ցեղային զտումները, այդ ժողովուրդները իրենց բնօրրաններէն արմատախիլ ընելու փաստը: Ընդհակառակն, Թուրքիոյ մէջ կը դատապարտեն բոլոր անոնք, որոնք կը համարձակին խօսիլ այս բոլոր եղելութիւններուն մասին: Թուրքիա մերժած է ճանչնալ այդ բոլոր կոտորածները, իսկ Էրտողանի յիշատակած արդարութիւնը պէտք է ճանչնայ Թրքական պետութեան իրականացուցած Յեղասպանութիւնը», - կը գրէ «Ալ Հայեաթ»:

Օրաթերթը կը չիչեցնէ Նոպէյեան մրցանակակիր Օրհան Պամուքի դէմ՝ Թուրքիոյ մէջ սկսած արշաւը՝ հայերու եւ քիւրտերու դէմ կատարուած կոտորածներուն մասին խօսելու պատճառով. «Թրքական բանակը քսան տարուան ընթացքին սպաննած է երեսուն հազար մարդ, հազարաւոր քրտական գիւղեր դատարկուած են եւ այրած: Չորս միլիոնէ աւելի քիւրտ, իրենց բնակարանները լքելով, փախած ու հաստատուած են քաղաքներու մէջ: Քրտական շրջաններու նկատմամբ կիրարկուած է շրջափակում, որ աւելի սարսափելի եղած է, քան Կազախի նկատմամբ Իսրայէլի իրականացուցած շրջափակումը: Սակայն ո'չ էրտողանը, ո'չ ալ անոր կուսակիցները մէկ բառ անգամ չարտաբերեցին այս մասին, չչիչեցին ո'չ սպաննուած մանուկներու մասին, ո'չ ալ աղաղակող կիներու մասին», - կ'եզրափակէ «Ալ Հայեաթ»:

**ԹՈՒՐՔԻՈՅ ԻՇԽՈՂ ԿՈՒՍԱԿՑՈՒԹԵԱՆ ԳՈՐԾՈՒՆԵՈՒԹԻՒՆԸ ԿՐՆԱՅ ԱՐԳԻԼՈՒԻԼ**

«Haynews.am»: Ինչպէս կը յայտնէ «Ճիւմհիւրիյէթ» թերթը, Թուրքիոյ գլխաւոր դատախազ Աբդուրահման Եալչընքայեա կը նախապատրաստուի իշխող՝ «Արդարութիւն ու Ջարգացում» կուսակցութեան փակման հարցը կրկին բարձրացնելու:

Եալչընքայեա վերաքննիչ դատարանի պատուաւոր նախագահ Օրհան Ուզգիօրէնի թաղման արարողութիւններէն ետք խօսած է լրագրողներու հետ: Հիմնական նիւթը եղած է «Արդարութիւն եւ Ջարգացում» կուսակցութեան փակման հարցը: Լրագրողներէն մէկուն այն հարցին, թէ արդեօ՞ք կրնայ փակուիլ իշխող կուսակցութիւնը, Եալչընքայեա պատասխանած է, որ իւրաքանչիւր կուսակցութեան փակել-չփակելը սեփական գործունէութեամբ պայմանաւորուած է եւ աւելցուցած, որ իւրաքանչիւրի վերաբերեալ գործ կրնայ յարուցուիլ գաղտնի պայմաններու մէջ եւ կուսակցութիւնը կը տեղեկանայ այդ մասին:

Որոշ թրքական թերթեր յայտնած էին, որ Թուրքիոյ գլխաւոր դատախազը գաղտնի պայմաններու մէջ հանդիպած է Սահմանադրական դատարանի նախկին նախագահ Մուսթաֆա Պուսինին, սակայն ան հերքած է այդ տեղեկութիւնը:

**ԿՈՐՊԱՉԵՒ Կ'ԱՅՑԵԼԷ ԼԻԲԱՆԱՆԻ ԻՇԽԱՆՈՒԹԵԱՆ ԵՐԵՔ ԳԼԽԱԴՈՐ ՊԱՇՏՕՆԱՏԱՐՆԵՐՈՒՆ**



Ռուսիոյ նախկին նախագահ Միխայիլ Կորպաչեւ միջազգային Mena Cristal Awards-ի փառատօնի նախագահութեան հրահրով ժամանեց Պէյրութ: Կորպաչեւ Երկուշաբթի առաւօտեան այցելեց Պապատայի պալատ, ուր հանդիպում մը ունեցաւ հանրապետութեան նախագահ Միշէլ Սըլէյմանի հետ: Պապատայի պալատէն ելլելէ անմիջապէս ետք Կորպաչեւ ուղղուեցաւ Այն էլ Թինէ, ուր տեսակցութիւն մը ունեցաւ խորհրդարանի նախագահ Նեպիհ Պըրրիի հետ, որմէ ետք ան այցելեց վարչապետարան՝ Սատտ Հարիրիին:

**ԿԻՆ-ՄԱՅԱՊԱՐՏԸ ԻՐԱՔԻ ՄԷՋ ԱՌՆՈՒԱԶՆ 41 ԶՈՐԻՆԵՐՈՒ ԿՅԱՆՔԸ ԽԼԱԾ Է**

Պաղտատի ծայրամասերէն մէկուն մէջ կին-մահապարտի կողմէ պայթուցիկ սարքի գործարկման հետեւանքով առնուազն 41 շիրիթ ուխտագնաց զոհուած են: Այս մասին կը յայտնէ Ռոյթըր լրատուական գործակալութիւնը՝ յղում կատարելով Իրաքի ներքին գործերի նախարարութեան:

Աղբիւրի հաղորդումով, ահաբեկչական այս արարքով 41 անձ զոհուած են, եւս 106-ը՝ վիրաւորուած: Յարձակումը կատարուած է վրանի վրայ, ուր ուխտագնացներուն սնունդ եւ ջուր կը բաժնուէր:

Շիա ուխտագնացներ հաւաքուած էին Պաղտատի մէջ, «Արբային» կրօնական տօնի առիթով Քարբալա սուրբ քաղաք ուղեւորուելու նպատակով:

**ՍԵՊՏԵՄԲԵՐԻ 11-Ի ԱՅԱԲԵԿՉՈՒԹԵԱՆ ԿԱԶՄԱԿԵՐՊԻՉԸ ԿՐՆԱՅ ՄԱՅԱՊԱՏԻԺԻ ԵՆԹԱՐԿՈՒԻԼ**

ԱՄՆ-ը պատրաստ է մահապատիժի ենթարկել 2001 թուականի Սեպտեմբեր 11-ի ահաբեկչութեան կազմակերպիչին: Սպիտակ Տան մամլոյ խօսնակ Ռոբերտ Կիբըր CNN հեռուստաընկերութեան հաղորդման ընթացքին յայտնած է, որ 2001 թուականի Սեպտեմբեր 11-ին ահաբեկչութեան կազմակերպման մէջ կասկածուող Խալիդ Շէյխ Մուհամետը կրնայ մահապատիժի ենթարկուիլ, եթէ անոր յանցաւոր ըլլալը ապացուցուի:

Կիբըր ըսած է, որ կասկածեալը խոստովանած է իր մասնակցութիւնը ահաբեկչութեան կազմակերպմանը:

«Խալիդ Շէյխ Մուհամետը կ'ուղեւորուի դատարան, իսկ դատարանէն յետոյ՝ բարձրեալի մօտ: Ամենայն հաւանականութեամբ, ան մահապատիժի կ'ենթարկուի՝ իրագործած հրէշային արարքի՝ Յազար ամերիկացիներու սպանութեան կազմակերպման համար» - ըսած է Կիբըր: